

Igl onn 2016 ha priu en nus gia cumpleinamein e nus mirein bugen anavos sigl onn vargau.

Ils 24 da schaner ei ina gruppa da giuvenils, surtut ord las vischnauncas Trun e Sumvitg, seradunai silla patinera a Trun. Igl ei stau in legher suentermiezdi cun bein enqualla cupitgada sil glatsch natural a Pustget. Silsunter vein gudiu ina ligiongia vienesa cun paun ell'ustria dalla patinera.



El local PISTREGN a Surrein han ils menaders organisau, il venderdis tscheiver ils 13 da fevrer 2015, in bal da mascras. Leghers schanis ein vegni quella sera sin viseta el local. La musica da tscheiver „Las Zoclas“ ha concertau quella sera sil plaz avon il Volg Surrein e nus essan naturalmein ir a tedlar.



La canorta d'affons LUMPAZI a Mustér ha giu igl atun avertura dalla piazza da termagliar. Sin quella ei vegniu tschentau in container per deponer termagls ed utensils. GIUVNETETGNA CADI ha survegniu l'incarica da colurar il tal. Cun ina gruppa da scolarAs ei vegniu encuretq ideas per silsunter far skizzas e muossar alla


cumissiun dalla canorta. Las figuras da Walt Disney ein vegnidadas lubidas. El decuors dalla primavera ed atun ha il container saviu vegnir decoraus cun quels bials maletgs, magari eri da scappar dalla plievgia, in'otra ga schelar la detta. Nus sperein ch'ils affons hagian plascher dallas figuras malegiadas.





La primavera havein saviu porscher in luvratori da cant e sault cun la meinacuors Chritina Köb. Duront quater sonndas han zacontas giuvnas ed in giuven fatg experientschas da sault e cant. La sonda, ils 25 d'avrel 2015, han els presentau lur empiru en moda d'ina coreografia e cant als envidai. Il publicum ha applaudiu freneticamein.

La fin d'jamna dils 5 e 6 da settember 2015 havein organisau in weekend da prevenziun e graffiti a Sedrun e Rueras. Ils giuvenils da Tujetsch han sprizzau niev il graffiti sils mirs all'entrada dil local TALINA. Cun il meinacuors Florian Märchy han els astgau empruar ed experimantar tenor gust. Diversas figuras ed in Hippie-bus fan ina biala parèta. Ils conjugals Steinmann han beneventau nus silsunter cordialmein el Campadi Rein a Rueras e surviu ina tscheina. Muort l'aura da ferdaglia e plievgia havein buc durmiu en tenda. Sunter tscheina el tipi entuorn in fiug tochen tard la sera/notg han Curdin Bundi da Sagogn e Gabriela Cabalzar discurreu culs giuvenils sur dils temas drogas, alcohol, dependenza e sexualitad. Sco pensum han ils giuvenils giu da rispunder anonim ad in fegl da damondas. La dumengia ha il program da decorar da niev l'entrada dalla TALINA lu cuntinuau.



Ils 19 da settember 2015 ha giu liug ina party el local PISTREGN a Surrein. Las giuvnas Andrea Deplazes, Jasmin Bearth e Svenja Tomaschett han cantau e sunau, ils dus giuvens Maik Bisquolm e Nico Mauerhofer han fatg il rappen, Mattiu Defuns ha cantau atgnas canzuns e Wolfonics alias Silvan Wolf ha mess si musica tochen viaden ella notg. Naturalmein ei stau lubiu per scolarAs da star mo tochen mesa notg. Ils giuvenils sur 16 onns ein aunc stai in'uriala.

Sunter las vacanzas d'atun ha Juventetgna Cadi lantschau in niev project cul num „Halla aviarta“. Igl uffeci da sanadad Grischun e la tetgala dil cantun jugend.gr cusseglian fetg da porscher a giuvenils la pusseivladad da sentupar per semuentar duront ils meins d'unviern. Legreivlamein sustegn igl uffeci da



sanadad quei project finanziamein e las vischnauncas mettan gratuitamein a disposiziun las hallas. Mintga duas jamnas, naven digl october tochen igl avrel, inaga a Trun ed inaga a Rabius stat la halla da gimnastica a disposiziun als giuvenils per activitads sportivas. Da duvrar urdeins ei, ord motivs da segirtad, buc lubiu. Mintgamai dus menaders da GC han survegionza e fan il program dalla sera tenor giavisch dils participonts.



Il regissur Roman Weishaupt ha dau a giuvenils dalla Cadi la pusseivlada da fuffergnar el mund da teater. Sonda, ils 7 da november 2015, ei dunna Maria Dunst stada a Trun per dar in schatg da teater a nov scolarAs. Ils participonts ein stai fascinai dad emprender co sexprimer en quei art.

La preit da mir el local da giuventegna PISTREGN a Surrein ei gia in mument semtgada per survegnir ina nova surfatscha. Il november han treis giuvens, Ursin Albin, Ursin Derungs e Mike Maissen, priu la caschun da mussar lur talent da malegiar. Els han cun tutta premura e breigia sprizzau bialas e legras figuras vid il mir. Quei ei propi gartegiau bein e dat puspei in niev maletg.



Per astgar far survegionza els locals da giuventegna ein ils interessai menaders obligai da separticipar ad in cuors da menaders. Bruno Kühne, il luvrer social cun scolaziun speciala sil sector da giuventegna ha instruiu ils participonts durant duas sondas, ils 7 november a Trun ed ils 14 da november a Mustér. Ils menaders entscheviders han giu differents pensums, sco p.ex.

sviluppar in project per lur local da giuventegna.

La menadra ed ils menaders dil local da giuventetgna a Mustér CONS han giu il giavisch da cumprar novas boxas da musica. Co vegnir tier ils daners per quellas? Cun agid da beinenqualla tatta e mumma han els fatg da tuttas sorts mams. Sonda, ils 12 da december ein els sentupai el local per pachetar ils satgets e silsunter ir a vender el vitg da Mustér ed el contuorn. La sera han els astgau dumbrar la biala summa da 1223.10 frs. recav. Grond engraziament alla populaziun per il sustegn.



Il local PISTREGN a Surrein vegn era visitaus da scolarAs dalla vischnaunca da Trun. Cunquei ch'els van ensemen a scola ei quei capeivel e beinvesiu. Dapi igl atun 2015 ha GC organisau ina pusseivladad da transport cun Taxi Demont. Ils giuvenils vegnan transportai dallas 18.45 h naven da Trun a Surrein e silsunter allas 21.30 h anavos. Era giuvenils dils vitgs dalla vischnaunca da Sumvitg (Rabius, Sumvitg e Cumpadials) san far diever da quei transport. Legreivlamein vegn fatg stedi diever da quella purschida, magari ha il taxi stuiu carrar duas/treis gadas.

Cun in sincer engraziel fetg a tuts che sustegnan nus,
per GIUVENITEGNA CADI, Gabriela Cabalzar-Lombriser